



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Von den Empfahern: zeychen: vnd zusag des heyligenn
Sacraments fleysch vnd bluts Christi**

Karlstadt, Andreas

Vuittemberg, [1521]

VD16 B 6239

urn:nbn:de:hbz:466:1-33433



Th. 6117.





27 II
13

ERZBISCHÖFL
AKADEMISCHE
BIBLIOTHEK
LEOSTR. 21
PADERBORN

Von den Empfahern: zeychen:
vnd zusag des heyligen
Sacraments fleysch,
vnd bluts Christi.

Wittenberg.

Dem Erwürdigen vnd Achtparem hern Nicolao De-
muth Pöbst vnd Archidiacon des newen wercks zu
Hall meynē gellebtem gebieder vnd fürderer. Wunsch
ich Andree Carolstat D. gesuntheit vnd wolleben
durch Christum Amen.

¶ Fremwürdiger großgunstiger her/ Nach dem
etzliche abdrunnige von dem glaubenn / nit vnter-
lassen/ die trostliche vnd Euāgelische leer zuhindern/
vnd machen/ das sich die klein glaubige/ vor Christo
fürchten/ dero yhen/ zu gut/ erlösung/ vnd hulff/ ge-
fümmen ist. Sunderlich das die Franckenn/ yhren artzt
vnd ertzney meyden vnd fliehen. Derwegen hab ich für-
tze antzeigbiem it thun wollen/ das sich keyner vō em-
pfahung des fleisch vnd bluet Christi sol enthalten sey-
ner sund halben/ vnd durch heylig schrift dewten wol-
len/ das die/ so sunder seynt/ von wegen yher sunden/
den hern frolich/ wie Zacheus/ in yhre arme vnd hauß
nehmen sollen. Vnd das yhen der spruch Centurio
nis nicht entgegen sey/ welche die kirch gebraucht/ nem-
lich. Her ich bin nit würdig dastu in meyn hauß geest.
Dem doch Christus antwort. Ich hab keynē grossen
glauben in Israhel gefunden. Dan durch solche wort
hat Christus den Centurionem nit gelobt/ das er sich
seiner gegenwertikeit unwürdig schätzt/ sonder allein
das er glaubet/ Christus mocht yhm/ abwesende hel-
ffen. Also hat Centurio Christū geystlich vmbgrieffen
vnd empfangen/ wie yhn Zacheus geystlich vnd leyp-
lich annam. Zu dem Christus saget. Deut ist diesem
hauß seligkeit gemacht/ dan er ist ein son Abrahæ/ das
ist/ ein glaubiger/ Centurio hat das groste/ auff das
wort gesetzt/ Zacheus hat das zeychen in de wort vmb-
fangen. welches wort? Deut mueß ich in deyne hauß.

a. ij.

Luce. xij.

Luce. vij.

bleyben/Also bleyb Christus auch mit Centurione/
dan er machet yhm seinen diener gesunt. Kurtzlich/sie
haben Christum beyde in dem wort empfangen. vnd
ist wunder/warumb man den yhenen/szo zu dem sa/
crament gehen/nit fürsaget/spriech/Ich nehm dē hern
frollich.wie Zacheus thet/dan das wort Centurionis
Non sum dignus ꝛc.hat Christus noch nit gelobt/wie
er Zacheum lobet. Ich weiß nit was die lerer/mehr zu
diessem wort Centurionis beweget hat. Der ich bin nit
würdig/dastu vnter mein dach gehest. Dann Zacheus
hat seine sünde/gebriechen vnd vngeschicklichkeit nichts
minder bekent/dan Centurio/dero den hern ym geyst
auch angenümen hat. Nach dießsem/hab ich wollen be
richt thuē/das/zeychē in den sacramenten/wonlger/vñ
vō wegen der zusagung sein/Das auch niemants/dan
ein sunder/das sacrament des brotes empfae. Itē das
yeglicher wissen kan/ap er solch sacrament würdighlich
nhem/Das hab ich ewrē Erenwirdē/mein dinst per
keit damit zu weißenn/zugeschiebenn/ewer gunst di
enstliches fleiß hochlich bitend. E. E. wollen hiemit/
bislang das ander buchlin getruckt wurd/gedueld ha
ben. Dan E. E. vnd allen ewren gellebten zu dienen/
vnd sunderlich hern Andres Lzeitlazz vonn Carol
stat ewrem Kemerer zu Wilsharenn /bin ich allerzeit/
gutwillig bereit/Dat. wittenberg. Johannis Bap
tistae. Im. xxi. Jar.

¶ Damit disse red dester leichter vñ vernhemlicher
werd/will ich zwue frag thun. Dirstlich/ap sich die sun
der/gethaner missetat vnd sundhalben/sollen von dem
hochwürdigem sacrament enthalten vnd sich abtzie
hen. Ifur den andern teyl/frag ich/nach dem in dießsem

sacrament zwey ding syndt/die es volmachenn/nemlich/das zeychen/vnnd gotlich zusag/welches ist das hochste/vnd dar an sich der mensch allermeynst sol halten: ap das fleisch vnd blut Christi mehr sey/aber gotliche vorheyschung/die dem zeychen angehefft ist.

Item/Fur das erst stueck/beschliessen etzliche/das sich der mensch/sundhalben/von empfangung des hochwirdigen sacraments/sol abhalten. Vnd fuessen auff einem secheyn der schrifftten/Nemlich/das sie lesenn/Unsere sunde teylen vns von got/Teylen sunde vonn got: so muosz sich einer getaner schuld halben/des sacraments enthalten/dan ehr sol das meyden/dauon er abgeteylt ist.

Item/Got spricht zu dem sunder/warumb niemest du mein testament in deynen mund: darff ein sunder gebot vnnd testament gottis/nicht nehmen in seinem mund/wie solt yhm erlaubt sein/das fleisch Christi in seinen munde zunehmenn? Diffehagetzt got/das ein sunder/gotlich wort/in munde setzt: vil weniger gestat ehr/das ein sunder sein fleisch esse. Dartzu lawdted Esajas/durch welchen got also redet/Wan yhr ewre hende auffhebend zu mir/so wil ich meine augen abkerenn/vnnd wan yhr mich anbetet/so wil ich nit horen. Vil weniger wurt ehr seine gnad/zu dem sunder habenn/so ehr das hochwirdig Sacrament brauchet/denn ehr zu denen hat/die yhm mit henden vnnd wortten anrueffenn. Dartzu fuerenn sie denn spruch Pauli/dero saget/welcher das brot isset/vnnd vonn dem tranck vnwirdiglich trincket/der wurt des todes Christi schuldig. Nun saget Paulus zuuor/von den sundern/so spennig waren/vnd hetten keynen vnterscheyd vnd vnteyl/des leybes Christi/wan sie/das

Psal. xliij.

Esa. i.

1. Cor. xliij.

fleisch Christi vnwirdig essen / das sie des bluets vnd
todes Christi gleich schuldig wurden / wie die heyden
vnd Juden / so Christum erwurgen. Mit diesen schi
fften schrecken sie die sunder vom gebrauch / des sacra
ments / vnd gemeinschaft der heyligen. Ja sie sagenn /
heymlich / wie Christus / zu dē sundern / durff einferen
vnd machen auß vnserm erloszer / einen vorderber / auß
Christo / der allen sundern zu frolickeit geborn / einen er
schrecklichen mann / Dirvmb wil ich diessen beschluß
setzen.

Sunde / so einer gethan hat / sollen den menschen
nit abziehen von der emphabung des hochwirdigen sa
craments / sunder viel mehr treybē vnd anzunden / das
er bald vñ schwind lauff zu dē hochwirdigē sacramēt.

Math. ix. Vrsach / Christus spricht / Ich bin nit kōmenn / die
gerechten zuberuffen / sonder die sunder. Niemit horen
wir clar / das Christus / von wegen der sunder gekūmē
ist / yhre sunde vnd vngeschicklichkeit abzunemen / War
vmb solt er sagen / Ich bin nit kūmen die gerechten zu
ruffen / wan er den fruemē geborn ist? Vnd wan Chri
stus wolt / das wir yhnen / sund halben fliehen soltenn /
warumb spricht er / Ich bin kūmē die sunder zuruffen?
Wan er vns ruffet / so sollen wir kūmen. Nun horestu /
das er die sunder ruffet / vnd ist derwegen gekommen /

Mat. xv. auff das er die irrende / vnd verloren schaff / zu sich hey
schen vnd ruffen wolt / Ist dem also / so solten die schaff
den hirtten / nit vō wegen yhres vorlust vnd irren / flihē.

Item wan du dich deiner sund halben solst vor dem
hochwirdigen sacrament forchten vnd schewen / was
Luce. xv. hette Christus gesagt / so er spricht / Der hiert vorlesset
xcix. gerechten schaff / vnd suchet das eynig yrrig schaff?

Luce. xv. Was dienet vns auch die historien von dem verloren
pfennig? Ich sage dir fliehe Christum nit sund halben /

dero darumb gekümen / vnd dich suchet / das er dich vñ
sünden empfinden vnd erloeszen wil.

Sein namen heisset darumb Jesus / das er geboren Math. i.
ist / sein volck / von yhren sünden heylig zumachen.

Bedenck ein yeglicher der wort Christi / die er zu dē
heyligfressern gesagt hat / sprechende. Die gesunden be Math. ix.
durffen keynis artztes / sunder die francken vnd schwa Luce. v.
chen. Diese wort antwort Christus / als die phariseyr
vnd schrifftgelarten (welche in grossen / loblichen / vnd
sehynlichen wercken giengen / wie itzt Monchen vnd
pfaffen vnd andere kirche dierer gehen) fragten. War
umb essent vnd trincken yhr mit dē sundern? Darauf
antwort Christus. Die gesundte bedurffen keines artz
tes / vnd setzet clare vsachen / warumb er gekümen / sa
gende. Ich bin nit kümen zuruffen die gerechten / son
der allein die sunder zu der buesz. Mit diesen Worten
vergleichet Christus die sunder den franckē / dan was
kräckheit ym leyb wircket / das thuen sünde in dē geist.
Derhalben spricht David / Her mach mein seel gesunt. Psal. xl.
dan ich hab dir gesundiget. Nun weyß ydremēiglich
das die gesunden keines artztes begerenn / sie suchenn
auch keinen / das er sie gesunt mach. Aber die francken
so yhre suechten vnd franckheyten mercken / die bege
ren des artztes / vnd schawhen sich gar nicht vor dem
artzte yhrer gebrechē halben / Ja wie herter sie yhre krä
ckheit fuehlen / yhe schneller vnd empfiger sie zu dē artzt
fliehen / vñnd betrachten nichts / dan des artztes hulff /
vnd eygen franckheit. Also ist es mit den sundern / sie
sollen sich nit forchten vor Christo / weil Christus ders
halbenn kömen ist / das ehr sunder wil ruffenn / an sich
tziehen / sie gesunt zumachen / Je mehr vñ ye gewllicher
einer sünde hat / ye schwinder vñ hitziger einer zu Chri
sto sol lauffen vnd eylen. Hastu gesundet / du bedarffest

nicht auff erdtrich mehr/dan/dastu dein krankheit
vnd sunden erkendest/vnd befindest bey dir/dastu dey
nes hern Jesu bedurffest/vnd glaub/das ehr dir/deine
sunde vorgeben kan vnd viel/so bistu wirdig der hulff
Christi/Dan yhene so mit gutte wercken anfaher an/
lauffen/die horen/das die gesunden bedurffen ke, nes
artzes. Jte/ Ich bin nit kume die gerechtē zefodern ze
Laz das deinen ewigen trost sein/das Christus ge
sagt hat/Die francken bedurffen des artzes. Bekenne
dein krankheit /so hastu Christum vor dir/als einen
arzt/stehend dir zuhelffen.

Derhalben sag ich/es solt sich keyner vor dem hoch
wirdigen sacrament enthalten/so ehr offenbartlich oder
heymlich gesundet/grosse oder kleine sund/laster vnd
schand gethan het.

Dan ap gleich die taet fruesch/grosz vñ lesterlich ist/
dannest soltu Christum nit forchten /so du dein krank
heit merckest. Die weil Christus spricht/Luren vnd
offenbare sunder/werde euch zu dē reich gotis/vorgen.
Mat. xij.

Stehe fest darauff/das Christus den kumen ist/die
von sunden krank seynt/sie gesunt zumachen/laß dich
nicht hindern/glaub das/vnd fuehl deine sunde/vnd
kum frolich/fruesch vnd an zweiffel.

Ich sag noch mer/ap gleich einer mercket/das yhm
sein sund nit fast leyd/vnd wolte sie doch gern gelassen
vnd berewhen/so sol er trostlich zu dsessem sacrament
kumen. Also horestu/das viel sunde sollen dich seher
antzunden/zu empfangung diesses sacraments/vnd sol
len dich zutreyben/nit abhalten. Derwegen saget Chri
stus/von Maria magdalena. Ihr sein viel sunden ver/
geben/das sieden artzte vil geliebet/Vñ saget/welchem
wenig zunoorgebenn ist/der liebet wenig. Das ist/das
Luce. vij. Paulus spricht/Do die sunde ybirgeflossen/do ist die
Roma. y.

gnad heuffig vnd vberfluessig gewest.

Das sag ich nit/das man auff die gutheit gottis sol
sundigen/wie die listig gleyfzner pflegen zu arguire/szo
man gnad gottis prediget. Nein/Jeh sag/szo du gesun
diget hast/solstu dein Franckheit befinden/vnd in gute
trost/an forcht/zu Christo fliehen/vnd gar nicht zwey/
ffel/das dir deine sünde vergebe werde/Das hat dich
Paulus gelert/sagende/Disse ist ein getreweredewill i. Timo. i
che wir in aller weisz annehmen sollen/das Christus
in diese welt kumen ist/sunder heylig zumachenn. Ist
das ein gediew reed/szo musz sie auch gewisz sein vnd
warhafftig/vnd niemants betriegen/szo soltestu auch
Christo/wie ein sunder/begegnen/vnd yhu nit fliehen/
weyl er von deyner sund wegen/dir entgegen gah/halt
dich an sein wort/vnd bring deine sund mit dir frolich
zu dem hern. Derwegen stehet geschriben/mein tau/
ben ist in den holern odder lochern des fels. der fels ist
Christus/die locher oder holer/seint seine tieffe wun/
den/die er vö wegen vnser sund empfangē hat/zu dē sel
bigē holern fliehen die sund/Als der psalm spricht/De
tra refugiu herinaceis. Der seels/das ist Christus/ist
dē purstigen ygeln/das ist den sundern/ein zuflucht/zu
welchem alle sunder fliehē sollen. Warumb solt ich sund
halben den fliehen/der mir zu einer huelff/sicherheit/vñ
zuflucht gestelt/mich von meynē sunden zuerloffen?

Beschließlich/Christus hat das hochwirdig sacra
ment/seines tewren fleisch vnd bluets/derhalben einge
setzt/das er den sundern vnd Francken/nit den gerech/
ten vnd gesunde/hat wollen helffen. Dan vor seinem
letzten abgang/nham der her brot/vnd zerprach das
selbe/vnd gab es seinen iungern/sagende. Nement vnd
essent/das ist mein leyb/der fur euch gegeben ist/oder
wie Paulus/der fur euch zerbrochenn wirt. Wan wir
b

Lanti. ij.

Psal. c. iij

Lu. xxiij.

i. Cor. xi.

nit sund gethan hetten / wie were der leypp Christi / für
vnz in leyden vnd todt gegeben? Ist aber sein leypp
für vnz gegeben / so ist er von wegen vnser sund gestor-
ben. Nun wie er für vnz gegeben / gepeyniget vnd ver-
storben ist. In solcher weyß vnd meynung / hat er seynn
sacramēt eingesetzt. Er ist aber für die sunder / gestorbe.
So hat er auch sein sacrament den sundern zu gut ver-
ordnet. Der halben spricht Paulus / das wir / des hern
tod sollen verkündigē / so offft wir das sacramēt nhemē.

1. Cor. xi.

Den todt Christi verkündigen vnd bekennen / heyst
sagen warumb Christus gestorben / wie er mit seynem
tod vnzere sunde ertodtet vnd begraben hat / vnd wan
ich sein fleisch esse / so sol ich wissen / das mir Christus
mein sund vergiebet / wo ich das in starckem glauben
thuenn / so empfang ich wirdiglich. Warumb solt ich
dan Christum sund halben fliehen? weyl er von wegen
der sunde zu mir kummet / vnd für mich stirbet.

Ja sagenn etzliche / Man sol sich dem sacrament zu
ehren / sund halben enthalten. Mein lieber / was lernest
du? Ist das die eher Christi / yhn von wegem der sun-
den meyden? Aber thuen ich yhm ehre / so er mich su-
chet / vnd ich wil mich nit lassen finden? wol solt ich dē
arzt ehren / wan ich yhnem meine suecht nit vortrawet.
Kurtzlich / die negest vnd erste würdige empfahüg / ste-
het in befindung deynes sunden / vnd dastu glaubest /
das dich Christus gewiß / an verdienst / vmb sünd / ges-
unt mach. Das ist die negste vñ würdig schicklichkeit zu
dē artzte / wander krank sein Erklichkeit erkent / vñ wolt
gern gesund werden / vnd zweyfelt gar nicht / das yhn
der artzt wol kan / vnd wil gesundt machen.

Die pfaffen habē mit yhrer reuerentz des heyligen sa-
craments / vil lewthe vmb yhr selen bracht / weyl sie die
bedringte gewissen vor yhrem artzt vñ ertzney erschreckt

haben. Nach es wie du wilt/so emphegestu nummer
mehr Christu wirdiglich/du fuelest dan dein gebreche.
Aber so sie dir zu hoch seynd/sprechest mit sanct Job/ Job. xliij.
Deyne laster/vñ missetaten zeyg mir/vnd mit Paulo. i. Cor. iij.
Ich bin darumb nit gerecht/das ich nichts weysz.

Wan du wol thuest/so sundigestu/als geschrieben
stehet/Es ist kein gerechter auff erdrich/der wol thut Ecclesia/
vnd sundiget nit. Der wegen beten wir ym vater vnser/ sti. viij.
Vergieb vnz vnzere schulde. Dirumb ist keyner/dero Math. v.
one sund vnd des hochwirdigen sacraments nit bedor
ffen ist. Antwort zu dem gegen satz ym anfang.
Diesem grunde vnd beschliesz moge obuermelte schri
efften nicht nhemen odder abbrechen.

Die sünde/so einer mit willen gern hat/die einer nit
fuehen wil/vnd welche got forchten vnd fliehen/als kon
den yhre sünde nit vergeben werden/die haben sünde/
die sie von got scheyden vnd fern setzen.

Mit einē wort/sag ich zu allen/das die sunder vō got
gescheydē seind/vñ sollen sein gesetz nicht in yhrē mund
nhemen/vnd das got yhre gebet vnd werck nicht ach
tet/die auff dē heubt gehen/das ist/die got mit werckē
suchen/vnd wollen yhre sünden erstlich/mit andacht/
fasten/gebet/trawren/casteyen/vnd anderen wercken/
ausstielgen/die selbe wil got nit erhörē/sunder sein augē
vō yhnen keren. Wan du must dein hertz/mit dē glaubē
reynigē vnd gar zufriedē stellen. Nichts anders wissen
dan dastu ein sunder bist/vñ das Christus dein erloser
ist. Dein vertrauen vñ glaub reyniget dich/dan er bin
det dich an got/vnd vergeystet dich/vnd macht dich ey
nen geyst mit got vnd abweschet deine sünden.

Dich sollē auch die schrifftē so vō sündē vñ werckē nit ab
schreckē. vñ sach/Alles leydē/so die schrifft trenet/vñ als
les verachtē vñ abwerffen/vñ alle götlich vñ gnad gotis

creyget sich derhalben wider vns/auff das wir weyße
vnd verstendige werden. Des haben wir einen lustigen
Numeri text Numeri. Ich werde wider sie wandern (spricht
vlti. got) vnd werde sie/mit feindschafft vmbgebē/so lang/
biß sich yhr vnbeschniteten hertz schemen wurt/als dan
werden sie fur yhre boszheyten bitten. Doer also lang
wandert got wider dich/bistu dich selber erkennest/vñ
bittest eyniglich fur deine sunden. Got wil kurtz haben
das du dich deiner entsinnest/vnd bittest fur deine sun-
de. Auff das entsinnen oder fuehlen/vnd bekennen dey-
ner sunden/deuten vnd furen alle straffen/vngnad/vñ
zorn gottis. Derwegen wiltu got nahen/vnd sein wort
in deinen mundt nehmen/oder recht fasten/betten/vñ
feyhern/so mustu dich endsinnen/das ist/deine sündē
befinden/dir muß we werden vnd ybel/du must vor-
langen haben zu got.

Was ein artzt gedencen wurd/wan du mit franckē
zerbrochen fueßen/vnd als ein gesunder zu yhm lieffest/
das wurt got auch gedencen/wan du ein sunder bist/
vnd woldest doch mit werckē zu got lauffen. Dan wie
einer nit wol gehen kan/mit francken fueßen/also kan
ein sunder/nit wol/oder nit an schaden zu got kumen/
mit werckenn/eher er gesuntheit erlangt hat. Das ist
Esa. i. die vsach des spruechs Esaie. Ich wil eur gebet nit ho-
ren zc. das die selben gleyßner/wie vnser Monichen
vnd pfaffen/vnd andere heyligen fresser mit den wer-
Rom. iij. cken anfahen zu got gehen. Derwegē Paulus geschrie-
ben. Dem yhenē/dero nit arbeit/gelaubet aber/in den
dero den vngutigen gerecht schafft/wurd der glaub zu
der gerechtikeit geschätzt. Wiltu got fern werden/so
kum mit deinē wercken vnd frumkeit/wiltu got nraen
vñ gerecht werdē/so kum mit bekentniß deyner sündē.
Job. xiiij. Das ist das Job saget/Ich weyß das so ich meine

weeg vor seinem angesicht straffe / so wurd er mein er-
lofer / das weysz ich das kein gleyzner / kein heyligenn
fresser / für seine angesicht künen wurd.

Niemit hoer / welcher zu / oder vō got künet vnd ke-
ret / vnd merck dastu auff erdtrich nichts anders bedar-
ffest / wan du das sacrament würdiglich wilt empfabē /
dan dastu dich deiner schuld vnd sunden schuldig be-
fondest / dastu deine wunden fielest. Christus saget /
Kumendtz zu mir alle / die beschwert seynt. So spricht
Job / Ich weysz / wan ich mein weeg straffenn werd /
das ist / so ich mein burden fuel / so wurd ehr / mein er-
lofer werden.

Aber den heyligē fresser / die sich des sacramēts / mit
scheynlichen vnd gutten wercken wollen vehlg vñ wir-
dig machē. Spricht Christus / Ich bin dē gerechtē nit
gekūnen. vnd Job / Esz wurd kein gleyzner vor yhn kū-
nen. Gleyzner seyndt alle vnd yede / so mit wercken vñ
frumkeit künen / dan sie mugen nit gotliche personen
geseyn.

Ausz dissem lebē kanstu wissen / ap du dasz sacramēt
würdig empfabest / oder vnwürdiglich vnd zuschaden.
Dan wie Job künlich saget / Ich weisz das ich gerecht
werd / wan ich geurteylet werd. Also magstu trostig-
lich sagen / Ich weisz / das ich das sacrament würdig-
lich vnd zu nutz nhem / weil ich mein sunden / vnd meyn-
nen widerwillen fuel (aber so du den nit merckest in
dir sprichst) Das ich einen verdriesz vber / vnd wider
meynen willen vnd sünde habē mocht. Item ich weisz
das mir got meine sunde gewiszlich durch das hoch-
würdig sacrament wurt vergeben.

Nun sol ich auff den andern artickelel antwortē /
so gefragt Nach dem in dem hochwürdigem sacramēt
des fleisch vnd blutes Christi / zweyerley seint / nemlich
b iij

Scio qd
nō stabit
in conspe-
ctu ei⁹ hy
pocrita.

Mat. xi.

Job. ix.

fleisch vnd wort/oder das brot vnd die vorheyschung/
welchs ist das hochste/daran am meysten gelegen.

Ehr ich antwort/sol man wissenn/das ich mit der
schrifft reed/vnd acht das für ein ding/so ich sag/das
sacrament des brotes/fleisch vnd bluetes/Dan Chri-
stus nennet es zeytten brot/zeytten fleisch vnd bluet/zey-
ten leyb.

fur das ander/sol ein ding vomümen werden/So
ich sprech/das wort/die vorheyschüg/verpindniß oder
zusag. Ich wil euch auch nit vorhalten/das die zusag
oder wort an ertzlichen enden/der schrifft/testament ge-
nent ist/Derhalbenn solt yhr euch nit byndern/ap ich
durch viel wort/ein ding aussagen wurd.

Zu dem dritten/horet wie Christus/das sacramēt
einsetzet Luce am .xxij. Als der her vñ seine iünger assen/
nham Ihesus das brot/dancket got/brach das brot/
vnd gab es den iungern/sagende/Nhement vnd essend
Matthai. xxvi. das ist mein leyb/der für euch vnter ge-
geben wurt. Alhie hastu brot vnd zusag. Brot/er nham
das brot/sprechende das ist mein leib. Das wort oder
vorheyschung ist/disser trost/Der für euch gegeben/
das ist/geopffert/vorfolget/ertodtet wurt. Also saget
Paulus. i. Corint. xi. Unser her Ihesus/in der nacht/
so er den feynden vbergeben was/nham er das brot/
zerbrach es/vnd gab es den iungern/sagēde/Nhement
vñ essend/das ist mein leyb/welcher für euch zerbricht/
abstehet/abgethet/oder verdirbet vnd stirbet.

fur das vierdte/damit wir kurtz von dē sacrament
reden/mercket/Das brot/fleisch vnd bluet/ein zeichen
genant ist/als Christus selber spricht Johan. iij. Wie
Moses die schlangē in der wüstung auffgehänge hat/

also muß der son des menschen auch auffgehengt vnd
erhoget werde. Nun spricht die schrifft dar Numeri. xxi.
das Moses ein eryl schlangē gemacht vnd für ein zey-
chen auffgestellt hat/auff das ein yglicher dero verwun-
det waz/ vnd die selbe schlangen ansach/ gesunt wurd.
Weil nun Christus seib saget/ Er sol auffgestellt werde
wie Moses die ertzen schlangen auffgehungen hat/ so
folget/ das Christi fleisch/ blut/ leyp/ oder brot ein zey-
chen ist. Dartzu lautet Esaias am. lv. cap. sagende/ das
der her ist ein zeychen genent/ welches ewig sein wurd/
vnd nicht vergehe oder abgenümen/ Die andere zeyche
dewten vnd enden sich in diesen zeychen des fleisch vnd
bluets/ vnd seint yhr vil abgegangen/ als auß dem altē
vnd neuen gesetz zuvermercken ist/ aber das zeychen/
welches der her selber ist/ wurt ewiglich stehen.

Alhie seind etzliche die machen vnterscheyd zwischē
dem fleisch oder brot an einem/ vnd zwuschen dem zey-
chen dießes sacramentes für den andern teyl vnd habē
das wort Christi für einen grund/ so Christus spricht/
Nhemend vnd essend/ das brot ist mein leyp. Daraus
zihen sie das essen/ des fleisch Christi/ ein zeychen sein
des wirdigen sacramentes/ vnd sagen/ das brot oder
der leyp/ aber fleisch Christi/ an essung aber gebrau-
chung der speysz/ nicht das zeychen sey/ vnd folgende
sagen sie/ wan du das fleisch Christi nit yßest/ vnd sein
bluet nit trinckest/ das du das zeychen der zusag aber
des wortes/ so zu hoch obgenantem sacrament gehort/
nit haben mugest.

Ich sechte disse subtilickett nit nicht an/ ich weysz
aber/ das speysz/ speysz ist/ ap sie gleich nit genossen
wurt/ so fern das selbige/ so speysz genent/ zu dem
mund/ vnd magen bereyd vnd dienlich seint.

Nun spricht Christus Johan. vi. Mein fleisch ist war-
lich ein speyß vnd mein bluet ein tranck. Doch komet
speyß nimmer zu yhrem endlichem wessen ehr sie wurde
geessen/derhalben saget Christus folgende. welcher
mich isset/der bleybt in mir/ als solt er sprechen/ Du
mußt mich essen/so du meyner teylhaftig wilt werdē.
Daraus beschliessen/das Christus/kein zeychen ist/
des heylsamen sacramēts/er werde dan geessen. Doch
so einer subtil sein/wolt/mocht er sagen/das Christus
ein zeychen sey disses sacraments/ap du yhn gleich nit
isest/vnd trinckest.vnd mocht den text Johan. iij. für-
wendē/do Christus also spricht/Bleycher weyß Mo-
ses die schlangen in der wüstung erhohet/also muß der
son des mensche erhocht werdē/auff das ein ygllicher/
so in dē son glaubet/nit verderb/sunder hab das ewig
leben (Den glawben nennet die schrift zeitten ansehē)
Ausz itzt vormelten wortten folget/ weyl zeychen vnd
wort gottis oder vorheyschung/ein sacrament sollen ma-
chen.das Christus erhohet vnd angesehen ein zeychen
sey/vnd disse wort. Ein ygllicher /so in yhnen glaubet/
nit verderb/sunder das ewig leben hab/die trostliche
zusagist/vnd das solche zwey stuck/ein sacrament ma-
chen/Aber ich wil angefangne subtilikeit nit verfolgē.
Das ist gewiß/das etzliche zeichen der sacramentē
mit dasten/etzliche mit sehen/etzliche durch andere syn-
likeit/gebraucht werdē. Beschneydüg greyffestu/dan
sie beschicht an dem leyb/mit dem sinn/der grewffenn
genant/als Genesis an. xvij. cap. Beschneydüg ist mit
henden gesehen vnd hat schmertzē gemacht/vnd ein
zeychen gewest des glaubens. wie Paulus Roma. iij.
Das zeychen hat zu disser zusag gottis gehört/das
Abraham solt gemeert/vnd in seinem samen groß vnd
vil werden/wie die stern an dē himel Gen. xv. vnd. xvij.

Auch habē wir mehr zeychen/so mit dem syn/dero
Breuffen genent/gebraucht werden. Als nemlich des
sacraments/so zu bekentniß vnd vergebung der sundē
etwan eingesetzt gewest. Dan/so ein Ifurst des volkes
durch yrtumb vnd vnwissenheit/etwas wider ein got/
lich gebot het gehandelt/vñ erkant/das er vnwissende
wider gottis verpot etwas gewircket het/must er einen
bock opffern/vnnd seine hand/auff das heubte/des
opffers legē. Darnach todtet der priester das opffer zc.
vnd bathe für den Ifursten/vnd wurden yhm seine ver-
handlung oder sunden vorgebenn/Leuitici. iiii. Sich
du horest/das/das zeychen/so zu bekentniß vnnd ver-
gebung der sunden gegeben wurt/mit henden must ge-
ruret vnd gebraucht werden. Also ist die schlangen/
welche Moses in der wustung auffrichtet/mit den aug-
gen angesehen/gebraucht vnd angerurt. Numeri. xxi.

Also verhiesch got den regenbogen in den gewulckē
Gene. ix. denn selben regenbogen hat man nit anders/
dan mit den augen kon antasten vnd gebrauchen. Der
zeychen manchfeltiger gebrauch/siend man hyn vñ her
in der schrift/vñ kan nit wissen/warumb die beschney-
dung ein sacrament sein solt/vnd obgemelte zeychen vñ
zusag kein sacrament machen.

Endtlich/ich sechte das nit seer an/das fleisch Chri-
sti kein zeychē sey/so es nit genossen/vñ mit dē mund an-
getast vñ begrieffen wurt. doch wil ich das mit einschle-
ffen/so einer Chriſtū mit den augen des glaubē sieht/
das er nicht desz minder ein zeychē hab. als Johan. iij.
clar vnd offenbar ist. Auß dieß in langē vmbganck/ha-
ben wir/das zeychē diszes fridsames sacrament/nēlich
brot vnd tranck genossen/so fleisch vñ bluet ist Chriſti.

¶ Nun volget vom der verheyschung. Die verhey-
schung vnd zusag/hanget in diessen wortten. Der leyp/

so für euch gegebē/ das blut/ welches für euch aufzoge-
ssen wurd Lu. xxiij. Aber wie Paul^o sagt. i. Cor. xi. das
ist mein leip d für euch gebrochē. Das wort/ d für euch
gebrochen/ ist die zusag. Dan Christi^o saget vns gewis-
lich mit solchē wortē/ das d leyp/ welche er vns heysset
nemē vñ essen/ vns zu erlösung vñ gut entleybet/ vñ getot
werd. Das ist ein Euāgelisch wort/ das vns ein froli-
che vñ trostliche botschafft brenget. Was ist vns trostli-
cher vñ frolicher zuhorē/ dan das vns/ der leyp (dē wir
eynnehmē vnd geniessen sollē) zu vnserm gedeyhē vñ er-
lösung in den tod vñ zerbrechūg sol gegebē werden? An
diezen wortē/ sol mein willen/ lebē/ vnd gemut vestig-
lich hangē/ vñ gar nicht zweiffeln/ das der leyp Christi
dero mein speysz ist/ für mich gestorben ist. Derwegen
spricht Paulus/ Das wir dē tod/ des hern/ sollen vor-
kundigē/ so oft wir sein fleisch essen. Was ist tod verkū-
digen? Sagē wie Christus gestorbē? Nein/ das kondē
die Juden vnd galgenriter. Der geyst muß sich alhie fu-
len/ vnd wissen vsachē des todes Christi. Er muß be-
finden/ das der tod Christi vmb vnser erlösung kümē/
auff das er vnser sunde/ mit sich an den galgen hencfē
theet/ vnd sterbet vnsern alten bözen Adā/ betzalet alle
vnser schuld/ vnd begruebt vnser bösz lebē/ vnd macht
endtlich/ das vns kein ybel/ schadet/ vnd sein gerecht-
keit/ vnser gerechtikeit wurd. Das vnd noch vil mer
das wir in der heyligē Biblien lesen/ vnd sunderlich in
Paulo/ sollen wir hochlichen mit hertzen betrachtē/ so
oft/ wir das sacrament handeln. wer das würdiglich
wil essen/ der muß nicht mer thun/ dan wunden seyner
sundē/ vnd böszhafftig lebē fūelen/ vnd vestiglich glau-
ben dē Worten/ das der leyp Christi (den er essen wil)
für seine sunde vñ krauchen gestorbē ist/ vñ seine bösz-
heit vnd sund mit dē tod Christi abfallen vnd sterben.
Welcher diesen glauben nit hat/ der yffet vnwürdiglich

welcher solches bedenecken nit hat / so er das brot Christi
sti empfehet / der isset das fleisch Christi / wie es die Co
rinthern assen / die es für leylichē hunger vnd wollust
nhomen. Du must achtung habē auff die verheischūg /
das wort gottis / ist ein wort des glaubens / vñ leret dich
den geyst des sacramentes. welcher nit achtung giebt /
auff die zusag / dem ist das sacrament gleich / so wenig
nutze / als das fleisch Christi / so er saget / Johā. vi. das
fleisch ist nicht nutze / sonder der geyst / der machet lebē
dig. Gotliche zusag ist ein wort des glaubens / vnd ver
kundiget den fruchtbaren geyst / dero mit trostlicher vñ
Euāgelscher botschafft in begirige oren einfalt / Vñ dē
geyst des mensche / lebendig / new / gerecht / vñ geystlich
machet / so du dē wort glaubst. Dan zusag gottis dienet
nit zu d seligkeit / so man nicht glaubet / Hebre. iij. So
kan auch keiner / sond glaubē zu frid kümē / vñ sein hertz
zu rhue stellē / er glaub dan. Als psal. xciiij. geschrieben /
Quib^o iuravi i ira mea ꝛc. das ist / ich hab es dē vnglau
bigē geschwore / das sie nit in mein ruhe werdē gehen.

Nach diesen redē / sag ich / das ein zeychē minder ist /
dan das wort / vñ das das zeychen / vñ wegen d zusag /
für gestellt wurt. Kurtzlich / das fleisch Christi ist vñ we
gen des wort gottis / das wir oft ein zusag oder verhey
schūg genent haben. Disach / das Christi selber spricht /
das er vñ wegen der schrift hat müssen sterbē / vnd also
eingehē in die gloriē seines vaters Lu. vlt. So ist Chri
stus auch ein befehltrager seines vetterliche wortes Jo.
xij. Vñ hat got durch Christū geredt / wie er in alte zeitē
durch die prophetē gered hat Hebre. i. Derhalbē folgt /
das Christ^o nach fleisch vnd blut / ein zeychē ist / vñ we
gen d zusagūg auff gestellt / vñ wir vns zuuoꝛ / vñ mer an
sein wort / dan an sein fleisc^e / halten vñ anpindē sollen /
wie wol das frembd vnd seltzam lautret / danneft lerne

wir das auß der schrifft/sunderlich in dem Euangelio
Johannis/das nit vnrecht kan reden oder leren.

Das aber/das zeychen/von wegen der zusag od der
verheyschung/auffgericht sey/vnd das wir vns durch
erkenntnis der zeyche/sollen erynnern/verstendiget vns
das. ix. cap. Genesis. Daselbst spricht got zu Noe also.
Das verpintnis/aber diese zusag/vnd verheyschung
wil ich mit euch dingen vnd vorpinden/Das ich hyn/
furt das erdtrich/nit wil mit sindfluesz vnd wasser ver/
terben. Doer das ist die zusag/Sich auch von dē zey/
chen. Ich werd (spricht got) meynen bogen in die ge/
wulcken setzen/fur ein zeychen des verpintnis oder zu/
sag. Sich das der bog ein zeychen ist/der trostliche zu/
sag/das got/numer mehr/das erdtrich/ mit sindfluesz
wil verwustenn. Vnd das der bog/nur ein zeychenn ist
gotlicher zusag. Nun mercke/was du auß dem zeyche
lernen salst. So ich (spricht got) die luft/mit wolcken
vbertzogen hab/so wurt der bog in dē wulcken erschey
nen/vñ ich werd meiner zusag gedēcken. Volget auch/
Ich werde den bogen ansehen/vnd des vorpintnis ge/
dencken/das ich zwischen got vnd aller lebendiger seel
gestellt vnd verheyschen hab. Auß diesen wortten He/
ne. ix. ist wol zulernen/das wir/nicht anders/dan ge/
wissen trost/auß den zeychen nehmen sollen/vnd allen
zweyffel außwerffen. Dan wir sollen wissen/das got/
seiner zusag/wil indechtig sein/vnd hat seynis worttis
gar nicht vergessen. Das ist/wir sollen/auß den zeyche
vest vnd starck werden in dem wort gots/das got/son
der zweyffel/sein wort wil erfüllen/vnd zugesagte trost
vnd hulff geben. Also/wan du das brot/fleisch/vnnd
bluet Christi/trinckest vnnd yffest/solstu in gewisheit
kümē/das Christus/sein wort vnuerbrochlich wil hal/
ten/vnnd solst nit zweyffeln an seiner huelff/sunder ve/
stiglich glauben/vnnd nicht gewissers haben/dann/

das das fleisch vnd bluet Christi / so du einnembst /
deine sünde todtet / vnd dir zu einer ertzney sey / vnd zu
gerechtigkeit vnd newheit deynes geystes. For der ist
warhafftig vnd mechtig / vnd acht es für ein groß inin
rien / vnrecht vnd hon / wan du / an yhm / vnd seinem
wort zweyffelst. Darumb hat er zeychen zu dē zusagun
gen gesetzt / dastu des der sicherer / fridsamer / vnd ruht
ger werdest / vñ das du in einē lebendigē sabbat stehest.
Aber so einer an dem wort vnd zeychen gottis wan
ckelt / wurt er hertiglich gestrafft vmb sein vnglauben /
vnd soull dester herter / das er weder zeychenn noch
wortten glewbet.

Also ist gesagt vnd beweyset / das zeychen / den vor
heyschung vñ verpindnisz gottis dienen / vnd das wort
mehr ist / dan sein zeychenn / exemplū / die fleischlich bes
chneydung ist weniger / dan der glaub vnd zusag.

Volgende lernet / wie yhr euch an den besten teyl hal
ten solt / das ist / wie yhr / das wort gottis festiglich solt
glauben / vnd ym hertzen behalten.

Das wil ich kurtz halbenn / durch ein historienn der
schiefft lernen / die Gene. xxxij. geschriben stehet. Do
Jacob seinen bruder Esau vñ die massen sehr forcht.
hyldet er sich eyniglich / mit vollem glauben / an gottlich
zusag / so yhm disser masse zugesagt wasz / Nē ich Bes
ne. am. xxvij. cap. Saget got zu Jacob / Das erdtrich
darynne du schleffest / wil ich dir vnd deynē samen / ge
ben. Dein samen sol werden / wie der staub des erdt
richs / das ist / dein geschlecht / sol soull werdē / wie die
kornen des staubes ym erdtrich. Volget / vnd in deinem
samen / sollen alle geschlecht gebenedeyet werden / vnd
ich wil dein hutter sein / vnd dich wider in das erdtrich
brenge / vñ wil dich nit verlassen / ich hab dan alle ding
volbracht / die ich dir gered hab. Disse zusag vnd vor
c ij

heyschung gottis mercket Jacob wol/daer mit sich vn
ruglich/trawrich vnd forchtsam wurd/von wegen sey
nes bruders Esau/vnd saget/in angsten also/Her du
hast mir gesagt/du wollest mir wolthuē/du hast gered
das ich mein gesyp vnd samen aufzbreytten sol/wie der
sand des mehres/den man nicht zelen kann. Ich binn
minder dan alle deine barmhertzekeit/vnd dein war/
hafftige verheyschung/Erloesz mich vō der macht mey
nes bruders Esau/dan ich forcht yhn seer/auff das er
nit mutter vñ kinder erschlag. Jacob hieng an gottliche
wort/wie ein schieff am ancker ym meer hanget.

Also sol ein Christ/sich an die wort vñ zusag Christi
vestiglich anhefften/wan yhn sein bruder Esau/der
alt Adam vnd der teuffel/vnd die sunde/betrubē oder
verfolgē/vnd yhm ein vnfridlich gewissen mache/wan
er mercket das yhn die sunden anfahen zu angstlgenn/
sol er/das sacrament/welches dem geyst fried vñ rhue
gebiert/suchen. Vnd das wort Christi der massen hal/
ten/wie Jacob die zusag/so yhm got gethan het/in her
tzen vnd mund hielt/auch halten.

Das wort/Der leyp wurd fur euch in todt gegebē/
vnd der drancck wurd fur euch vergossen/sol er ym her/
tzen vnd munde also habē. Her mein got/ein got aller
glaubigē/Abrahā/Isaac ꝛc. du hast gesagt/Neemet vñ
essent/das brot/das ist mein leyp/dero fur euch gegebē
wurt. Her an das wort/das du sprichest/Ich sol essen
dein fleisch/dan es sey fur mich/vnd vns allen/in not/
angst/vnd tod gegeben/verlasz ich mich/vnd verman
dich deyner zusag/vnd zweyffel nicht/du werdest mir/
die frucht deynes bittern todes gebē/so ich dein fleisch
esse. Dan du hast das vorheyschen/du bist almecchtig/
gutig/vnd warhafftig/dir gebriecht nichts/szo betrew/
ff. Cor. i. gistu niemädts/szo ist dein wort ya ya/nit heut ya mor/

gen neyn/auff deyne wort fueß vnd stehen ich. Du hast
mir mit solche wortte gesagt/du wollest mir gut thun/
sunde vergeben/fried schaffen/sicher/new vñ geystlich
machen/An deynen wortten kleeb ich vnd hang an der
zusag/wie Abraham an seyner zusag hiegt/dero gar
nicht zweyffelt/das du yhm geben wurst/das yene/so
du geredt. Also bawe ich auff deine zusag/ich zweyffel
nit/du kondest vnd werdest mir geben erlosung vñ sun
den/ap das mein Adam nit zugeben wil. Ich rucke dir
dein wort fur/wie Jacob/got/seine gotliche zusag vor/
rueckt. Du hast gesagt/der du hast geredt/ich bin nit
den gerechten kumen/vnd den gesunden/sonder den
francken vnd sundern. Vnd her du hast gesagt/ich sol
dein fleisch frolich darauff essen/vnd dein bluet trin
cken/dastu deynen leyp in todt gebenn hast/fur mich/
fur meyne sunde vnd boszheyt alles mir zu gut. Dar
auff kam ich vnflertiger korp/ich verwunter sunder/vñ
vnfridlicher/bedringter mensch/vnnd rucke dir deyne
wort fur in gebet vnd glauben.

Ro. iij.

Cophin⁹
Aegypti⁹

Da bist nit wie die menschlichen vorheyscher/als ko
nig/sursten/vnnd hern vnd andere seynt/die vil verhey
schen/vnd mugen nit leyden/das man yhnen/yhre zu
sag fur rucke/aber sie in krafft gethaner vorheyschung
mane.vnd soder das yene/so sie gelobt habe. Neyn du
bist ein anderer herre/vnd wilt das vns dein wort/ym
hertzen vñ mund liegen sollen/das wir auch hertz vñ ge
mit/willen vnd syn/vnd alles auff deine zusag stellen/
vnd sprechen trostlich/der/du hast gesagt/du hast ge
redt/wir sollen dein fleisch nemen vnnd essen/darumb
du dich in todt/zu vnserm heyl begeben hast. Auff dein
wortst ehermein glaub/trost/hoffnung/ich laesz mich
weder sunde/noch mein boszheit verhindern/dan du
hast gesagt/dastu geborn vnnd gestorbenn seyst vnsera

Josue. i.
Exo. iij.
Psal. c. f.

Francheltē vñ sunden/zunorgeben vñ gesunt zumachē.
Abraham stund vest/an deiner zusag/er zweiffelt nit
dastu yhm geben wurdest/szo du yhm geredt/wie wol
er wisset/das der natur was vnmüglich/dennest gab er
nicht achtung auff seinen alten vnd todten leyp/vnnd
du erfullest dein wort. Wasz solt ich dan andersz beden
cken/dan dein zusag? was solten mich sunde vnd bosz
heyten abtziheñ/weyl Abraham sein aldtheit nit ab
tzueg von deinem wort?

Jacob rucket got sein zusag fur/das er gered het/er
wulte Jacob wol thuen/vñ yhm seinen samen außzbrei
ten/das wust Jacob/derhalben er festiglich glaubet/
das yhm sein weyber vnnd kinder nit erschlagen wur
den/vnd vermant got seiner vorheyschung/vnd wurd
also starck in gotlichem wort vnnd in seinem glauben/
das er mit got durfft streyten vnd ringen/vñ hielt got
szo fest ym glaubenn/das ehr got nit wolt lassen ehe er
ehe er ym wol gethan wasz. In solchem glauben vnd be
stendigem anhangen in gotlicher zusag/wurd Jacob
in der natur vñ namē vernewet/dan die schrift spricht/
Du must Israël heysen/dw bist wider got starck ge
west/wie vil mehr wurdestu wider die menschē starck.

Ist nit das trostlich/das ein fester anhang vñ glaub
in gotlichem wort/got halten/vnnd ybirwinden kan?
Des sollen wir vns mehr/dē hñmels vñ erderichsz gel
trosten/Do sol vnser grund sein. Es ist vnmüglich das
einer verderb/der gotlicher zusag festiglich vnd besten
diglich glaubet. Als wenig got ligen kann/szo wenig
kan er dich vorterbē lassen/wan dw fest/starck/vnnd
menlich/in seyner vorheyschūg hangest. Es ist vnmug
lich/das got einen menschen vorlaeßz/dero in solchem
vortrawen verhart. Es musz yhm alles zu gut kummē/
vnd besser dan es der mensch vorsteet. Im festen vnnd

De. xxxij.

ernstlichem anhang/an dem wort gottis stehet alle selts-
ckheit. Wider/ym vnglauben/verlust vnd schad/vnd alle
vnwirdige empfangung des sacraments/ Das Christ?
Johā. iij. selber spricht/ Welcher glaubt der wurt nicht
verurteylet/ Welcher nit glaubet/der ist bereit verloren.
Got kan dich nichts weniger verlassen/ dan er Jacob
verliesz/wan du gleich wie Jacob/ starck vnnnd stetlich
an gottlicher verheyschung klebest.

Also kümert auch einer in vorhafftigen frid/vnnnd
wurd yhm alle bitterckheit süesz/widerwertickheit freunt-
lich/vnd boesz zu gut verwandelt. wie das dan Jacob
geschach. Jacob betet sibem mal/vnd so lang/ bisz sein **Ge. xxxiii**
Esaw/das ist/sein seyndt vnnnd verfolger nahet. Was
geschach/ Als Jacob/an gottlicher zusag/mit glaubē vñ
gebet/hafftet/do keret sich seinn verfolger vnnnd seynd
Esaw in einen wolteter vnnnd freund. Dan Esaw viel
Jacob vmb seinen halz/er drucket yhn freuntlich/vnd
kussset yhn/vnd weynet/vnd wolt Jacoben sein hab vñ
gut geben. Also wēdet sich alles boesz in gut/alle spehn
vnd vnfrid/in guten frid vnd ruh. Das geschicht al-
ten den tenen/so stetz vñ vest in gottlicher zusag suessen
vnd verharrenn.

In solchem glauben spricht Moses/ Steend vnnnd **Exo. xliij**
sehend die groß wunder werck gottis/vnd forcht euch
nicht. Dan die Aegyptier/welche yhr itzt sehend/wer-
det yhr nicht mehr sehen/got der wurt für euch streytē/
vnd yhr werdet stiel schweygen. Stehend vest an der zu-
sag gottis/furchtet euch nit/zweyffelt mit nicht an sey-
ner vorheyschung/dan ehr seinn wort vnuolbracht solt
bleyben/ehr muesten hiemel vnd erdtrich zerbrechen.
Also wurd auch das mehr gehorsam/vnd teylet sich/
vnd gab den glaubigen stadt vnnnd weeg/vnd verterbet
die Egyptern/die vnser funde bedewtenn. Also ist es

ij. Dara.
xx.

Eccle. iij

auch in der empfangung des freudenreichē sacraments.
Welcher das würdiglich wil empfangen/der sol sich nit
forchten/das ist/er sol nit zweyffeln/das Christus sey/
ne zusag volenden werd. Vnd sollē yhn die Egyptiern/
nit vō gotlichem wort abschrecken/das seind seine boß
hendel vnd sünde/die widder got fechten/Dan got ist
der streyttet/dero sundenn erwurget/wir stehenn stiel/
vnd schweygē stiel/vnd seind in vergebūg der sündē gar
werckloesz. Vrsach/wan got sein grosse vnd wunderber
liche werck wircken wil/so durffenn wir nicht mber/
dan das wir vnser augen auff zu got richten/vñ steend
in guter zuuoꝛsicht/als Josaphat spricht/Steend allein
trostlich vñ in starcker zuuoꝛsicht zu got/so werdet yhr
die gotlich hulff vber euch sehen/glaubet got/so wer
det yhr sicher. Das ist das Moses sagt/Schweyget yr
stiel/got ist der streyttet/wir durffenn nit sorg haben/ab
wir viel gebet/gefast/kirchen gekert vnd gesucht/licht
lin verbrent/vnd der gleichen werck gethan habenn/so
wir das hochwürdig sacramēt wollen empfangen/dan
wir sollen stiel sein mit oren vnd fuessen/als geschriebē
stehet/So du in gotis hausz gehest/bewar deinē fuess
vnd hoer. Dast ist/mit keinē werck durffenn wir surkū
men/dan solten vnser werck zutragen/vnd vns würdige
empfangen machen/so weer got nit der/dero allein krieg
get fur vnser/vñ die Egyptiern ertodtet. Szo ich das sa
crament wil einnehmen/sol ich nichts anders thuen/
dan gotlichem wort glauben/das Christus sein fleisch
vnd bluet fur vns in tod gegeben vnd vorgossen hat/vñ
das er vns sein fleisch zu einer speysz/vñ sein bluet zu eis
nem tranck/fur ein gewisz zeychen geben. wan ich das
glaub/so werd ich sicher/so ich anders in gottlicher zu
sag/mit gantzem vertrauen/stehen bleyb/das ich die
Egyptier nit mehr sehen/das ist/mein sünde werden

mich nit mehr anfechten vnd zu vnfrid machen.

Also befinde ich seine hulff vnd woltat/ In meiner person darff ich nicht anders fuehlen/ dan menlichenn dapffern/ vnd vesten glauben/ vn getrawen zu got/ das er mich nit vorlasz/ fur eines/ fur das ander/ sol ich keine sterck/ keine gesuntheit/ keine vermugeheit/ keine gut werck/ vnd keine frumkeit fuehlen/ die ich zu de heyligen sacramet wolt trage. Sonder ich sal/ mein nichtlekeit/ machtlosikeit/ boszheit/ vnd sunden fur dasselb mal sehen. Als Josaphat saget/ in vns ist kein stercke/ das wir die feinde vbrwinden/ die vnser sunden sind. Also sehen wir vnser schwachheit vnd Egyptiern/ vnd fliehen zu dießem sacrament/ das sie alle niderschleegt vnd ver sauffet/ vnd macht vns lebendig/ gibet sterck vn werck/ vnd machet vns Esau zu einem der vns sein hab vnd gutter giebt/ wie die heyden tribut gaben den Juden.

Also haben wir beschlißlich/ das ein würdiger empfaber nicht anders bedarff/ dan das er seiner sunden/ wunden fuehl/ das er seinen Esau/ die Egyptiern/ oder andere belediger ansege/ vnd steen allein ritterlich vnd menlich stiel in gotlicher zusag/ so kan yhnen got mit nicht verlossen/ er heldet got vnd verwandelt seine feyn de/ in dienstpotē/ wie oben gesagt. Auch ist gehort/ das in den sacramenten das wort mehr ist/ dan das zeychē/ vnd das die zeychen vns erynnern/ das got seiner zusag wil gedenccken/ vnd halten glauben/ vns in keinē weeg vnd anfechten lassenn vorterbenn. Das helff vns got durch vnsern hern Jesum Christum/ Amen.

Ge. xxxij
Jost. xvi.
Judicum
ij. et. iij.

Faint, illegible text, likely bleed-through from the reverse side of the page.

Handwritten text or a stamp, possibly a library or archival mark, located in the left margin.



UNIVERSITÄTS-
BIBLIOTHEK
PADERBORN



6117

Th
6117